

ქართული
საბჭოთაო
წელი 10 8.

საბჭოთა მათემატიკა



ბ ა თ რ მ ი.

წავი ძაღლი არც თითონ სწამს, არც სსვას აჭმევს.



№
14

1920 წ.

თებერვლ. 22



ცხვარი. მაშ არა სთმობ, რაღა?.. რა გავეწყობა: ცხვარი—ცხვარია, მაგრამ თუ გაცხარდა—ცხარია!



„ფ ა უ ს ტ ი“

(ზღაპარი)

„მ ი მ მ რ ი მ ნ ი“

ქ რ თ ვ ლ წერალთა კავშირის კლუბი.

ჩინებული სადილები, საუცხოვო ვახშმები, მრავალგვარი გასართობი...

(საგაზეთო განცხადება).

იყო და არა იყო რა—უფრო არა იყო რა, ვინემ იყო—იყო ერთი ქართული სიტყვა კაზმული მწერლობა.

შაამომავლობით და გვარიშვილობით არა უშავდა რა, მაგრამ თუ კაცი თვითონ არ ვარგა, ცუდია გვარიშვილობა. თვითონ კი ქართული სიტყვა-კაზმული მწერლობა ვერაფერი შვილი იყო! ახოვანება აკლდა—მეტად ჩია კაცი იყო შესახედავით—და გარდა ამისა ენა-ბ-გვილი და ღარი ი.

მაგიერში ძლიერ პატიოსანი კაცის სახელი ჰქონდა და თუმცა მის მზეს არავინ ფიქტულობდა, გრემ ყველას ებრალებოდა და ყველა უფრთხილდებოდა:

— მართალია, დაკნინებული კი არის, ენასაც ძლივს აბრუნებს პირში, მაგრამ პატიოსანი კაცია—და, რაც უნდა იყოს, ერთად-ერთია—სხვა ჩვენ არა გვეყავსო, — ამბობდნენ მისთვის.

— იქნებ მოჯობინდეს, ენაც გაიტეხოს და ჯანზეც მოვიდესო, — ჰფიქრობდნენ. ენის გატეხას ძალიან ცდილობდა, ღვთის წინაშე: ვინ იცის, რა და რა უცნაური ჩქარა-განოსათქმილი ლექსებით არ ავარჯიშებდა თავის ბორკილ ენას, მაგრამ ეს ვარჯიშობა თუ სწყენდა, როგრემ შველით არა ჰშველოდა.

ძლიერ ცოდ ყოფაში იყო საბრალო. თითონაც გრძნობდა, რომ კარგი არ სჭირდა, მაგრამ ვერა გაეწყო რა.

განსაკუთრებით მაშინ გაუმწვავდა ტანჯვა-წამება, როდესაც საქარაველო განთავისუფლდა და დამოუკიდებელი ცხოვრება დაიწყო.

სიტყვა კაზმული მწერლობა ჰხედავდა რომ მის გარშემო სიციცხლე სჩქედდა, შემოქმედების ცეცხლი ჰღვიადა და თითონ კი თანდათან სტკნებოდა.

— საბრალო, არ კი მოკვდისო, — სწუხდნენ მისთვის: რაც უნდა იყოს, პატიოსანი კაციაო.

— ამისთანა სიციცხლეს სიკვდილი სჯობიაო, — ხშირად გაუვლევებდა ხოლმე თავში მწერლობას.

ერთხელ, ძალიან რომ გაუჭირდა და ილაჯი გაუწყდა, თავის ნესტანსა და ცივს სარდაფში ბედს ჩივილი დაუწყო:

— რაღა ვარ მეო? — ამბობდა: ქვეყანა ჯაღდადებს, ცხოვრებას ლოყებზე აღმური ასდის (მატერულ სახეებით უყვარდა ღაპარაკი) და მე კი წარინჯის ფერი დაუდებია და სულს ძლივს ვაბრუნებო. სადა

ხართ თქვენ, ფრთოსანო რაშეგო ჩემი ოცნებები და თქვენ, თავხედო იმედებო ჩემის სიყრმისაო! ნუთუ ყველანი ქიმერებათ იქეციტო! — და თავის მოსაკლავად მოემზადა.

უცებ მის სარდაფში საიდანლაც გაჩნდნ რალაც საოცარი და საშინელი არსებანი, რომელნიც მანქვავრებითა და შემპარუწნებელა ხითხითით აეკრენ ყველა კედლებს.

— ვინა ხართ? . რა გინდათ ჩემთანო? . წამოიძახა თავზარდაცემულმა სიტყვა კაზმული მწერლობამ.

— ხი-ხი-ხი! აკი თითონ შენ გვახსენე! ჩვენც მოვედითო, — უპასუხეს ჭინკების მსგავსმა არსებებმა და კვლავ ხითხითი მორათეს.

— როგორ თუ მე თითონ ვახსენეთ! ვინა ხართო? — გაუმეორა მწერლობამ.

— ჩვენა ვართ შენი ქიმერები და შენს საშველად მოვედით: ნუ გეშინია... საბტოდ არ მოვსულვართო, — უთხრეს მათ.

— მაინც, რა გინდათო?, ჰკითხა მწერლობამ.

— შენი შველა, შენი სიკვდილიდან გადარჩენაო — უპასუხეს ქიმერებმა.

— ტყუილი განზრახვაა: შე ველარავინ მიხსნის, რადგან თავის მოკვლა მტკაცედა მაქვს გადაწყვეტილიო.

მაშინ ქიმერებმა ერთი საზარლად დაუსტვინეს და სიტყვა კაზმული მწერლობის ბინა თვალის დახამხამებაში გადასხვაფერდა: თვალის მომჭრელობა სინათლემ გააკაშკაშა იქაურობა, იატაკი ხალიჩებით მოიფინა, გაისმა მხიარული ხა საკრავებისა, საჩნდნ მშენიერი ნახევრად ტიტველი ქალები და დაიწყეს ვნების ამშლელი როკვა, ჰაერი ნაირ ნაირ საქმელების სუნით და საუცხოვო ღვინის გურბნელებით გაიჟღინთა...

— ჰხედავამასო? — ჰკითხეს ქიმერებმა: ეს ყველაფერი შენი იქნება, უკეთუ ერთ პირობას შეასრულებო.

საბრალო მწერლობას სადერდელი აუშალა ამ საოცარმა სურათმა. მშიერი იყო სანახევროდ და სიზმარშიაც არ უნახავს ამგვარი განცხრობა და მხიარულება.

— მაინც რა პირობასო? — ჰკითხა.

— შენი სახელი უნდა დაგვითმოო, — უპასუხეს ქიმერებმა და ახითხითდნ.

— როგორ თუ ჩემი სახელიო?

— ისე, შენი სახელიო... შენი სახელი ჩვენ გვექნება ხელში, შენ კი ყოველ დღე აქ ივლი ამ მშვენიერ ღარბაზში: სქამ, სვამ და მიიღებ ათი ათას თუმანამდე თევზიო.

— ხომ მაინც უნდა მოვმკდარიყავიო, — გაიფიქრა მწერლობამ: სიკვდილსა სახელოვანსა სიციცხლე მიჯობს ნამრახიო, — და მიჰყიდა ქიმერე სახელი...



დღეს ქართული მწერლობა უწინდებურათ გამხდარი და გაყვითლებული აღარ არის, თვალსაჩინოდ მოგობინდა ფიზიკურად, ფულიც კარგა ბლომად აქვს, ოღონდ ენა კი მაინც ვერ გაუჭეხია და ისევ ჩლოუნგი აქვს.

— ბარემ მომკვდარიყო, — ამომბენ ეხლა მისთვის: უწინ პატიოსანი მაინც იყო და ეხლა კი სახელი გაჰყვიდა... სახელი და სული კი მწერლობისათვის ერთი და იგივეაო....

თაგუნა.

გასათხოვარ ქალს.

ქალი ვიდრე გათხოვდება, უნდა ჰყავდეს გამწურთნავი, იმან უნდა ჩააგონოს მას ცხოვრების კარგი, ავი.

ერთიც უნდა ხელოსანი — კიბე შეჰქმნას უხილავი, ესეთივე უჩინარი აღვირ ლ გამ მოსართავი.

სხვა მზათვეი არა ჰქონდეს — ეს კი უნდა იყოს სრულად, თორემ როცა გათხოვდება, ქმართან წავა გულ-ნაკლულად, კიბე იგი უხილავი ქმარს მიადგას მეგობრულად და ზედ თვითონ აიპაროს, კისრ დ დასჯდეს დაფარულად.

ეშმაკურად უაღერსოს, ქმარმაც მორთოს საუბარი, პირს ლაგამი გაუყაროს, დაიმონოს ამით ქმარი.

საითაც სურს თავი უკრას, არბენინოს მთა და ბარი, ქმრის აშკარად იყოლიოს გულის ტოლი მეგობარი...

განჯის-კარელი.

მცირე მოსასრებანი დიდ საკითხზე.

ღრმად მწამს, რომ ჩვენს ქვეყანაში ბევრი რამის გაკეთება შეიძლება, უკეთეს ადამიანი საქმეს გულწრფელად და ხალისიანათ მოეკიდება.

ეს ჩემი რწმენა ერთხელ კიდევ დამტკიცდა, როცა თვალსაჩინოდ დავინახე ზოგიერთი კეთილი ნაყოფი ჩემი პირველი წერილისა „თამალობაში რეფორმების შესახებ“.

ქნი პუწყიას დღეობაზე თებერვალის 9 პატივ-

ცემულმა რედაქციამ პირველი თხოვნისათანავე იკისრა თამალობა და, რაც უფრო საყურადღებოა, პირველი სადღეგრძელო პირდაპირ ჭურჭლის სარეცხი ბადიით დაიწყო. რასაკვირველია, აქედან ჩვენს იდეალებამდე ერთობ შორე მანძილია, მაგრამ მაინც გესიამოვნება ადამიანს როცა მცირეოდენ წინსვლას დაინახავ და თანაც გრძნობ რომ ამ წინსვლაში შენც წილი გიძვეს.

„ქმა მალაში მოდისო“ უთქვამს ძველათ ვილაც ფრანგ მეცნიერს და არა გვაქვს საბუთი მას ამ თქმაში არ დავეთანხმობთ. თავდაპირველად, როცა თამალობის რეფორმაზე წერა განვიზრახე, მიზნათ მქონდა ეს კითხვა ერთ საფუძვლიან წერილში გამერკვია. საქმის დაწყებისათანავე ვიგრძენი რომ ერთ წერილში კითხვის გარკვევა ყოველად შეუძლებელი იყო და საკიბი ორათ გავყავი. მაგრამ, რაც უფრო ღრმათ ვუკვირდები ჩემ პიერ ხელწამოკრულ საკითხს, მით უფრო იშლება ჩემ თვალწინ მისი სიღიადე, სირთულე, სიმძიმე და მრავალფერობა, მე რასაკვირველია აზრათ არა მაქვსსავსებით ან ვსწურო აღნიშნული საკითხი, მაგრამ ეხლავე ვაუყობ, რომ რისი თქმაც მსურს, იმისი მოთავსებაც შეუძლებელია ერთს წერილში.

ამ მოსაზრების მიხედვით გადავსწყვიტე მეორე წერილშიც საკითხის ზოგად მხარეებს შევებო და კონკრეტული ჩემი წინადადება რეფორმათა შესახებ მესამე წერილისათვის გადავსდო.

სუფრის გამგეს საქართველოში ორი სახელი აქვს: თამადა და ტოლუმბაში.

პირველი მათგანი უფრო გავრცელებულია აღმოსავლეთ საქართველოში, ხოლო მეორე კი დასავლეთში. აღსანიშნავია ის გარემოებაც, რომ ინტელიგენტურ წრეებში პირველი სიტყვის რეზბა სჭარბობს.

არა ერთი და ორი საღამო შევსწირე მე ამ სიტყვის წარმოშობის გამოკვლევას, მაგრამ საბოლოოთ გარკვეული ჯერაც არ გგონია ის. დაახლოებით კი მისი შინაარსი ჩემის აზრით მიღებული უნდა იყოს.

ვინც დაკვირვებით აღევნებდა თვალყურს თამალობის საქმეს ძველათ და აღევნებს დღესაც, ის დამერწმუნება, რომ ამ თანამდებობაზე ირჩევდენ (უფრო ძველად) ტრაპეზის წევრთა შორის ულონიერსსა და მძლავრ პირებს. ასეთები იყვნენ: ბლალოჩინები, დეკანოზები, მამასახლისები, თავად აზნაურთა წინამძღოლები, შემდეგ მღვდლები, ხოლო დაბოლოს უბრალო მოქალაქენი. ყველაზე უკეთესი თამადა ის იყო, და არის დღესაც, ვინც ყველაზე მეტს სჭამს, სვამს და მოილხენს. თამადას ზოგჯერ ჰქუაც სჭირია, მაგალითად როცა ნადიმი დიპლომატიურია. მაგრამ

ბედნიერი მშობლები.



ანტანტის სახელმწიფოები. (ნახის სიყვარულით დასცქერიან ახლშობილ ზავს) რა კარგი ბიჭუკელაა, ამას კი ენაცვალოს მისი მშობლები!..

უმთავრესი ღირსება თამადისა, ზოგადი სიტყვით თუ აღვნიშნავთ, გახლავთ **მადა**; მადა ჭამისა, მადა სმისა, მადა მხიარულებისა. აქედან ცხადია, რომ, რაც უფრო დიდი იქნებოდა ამა თუ იმ პიროვნების მადა, განსაკუთრებით კი მადა სმისა, მით უფრო სახელოვანი იქნებოდა თამადა. პირველ ყოვლისა ქართველი, ახლად ჩამოსული არარატის მთიდან და მის კალთებზე დასახლებული, ცდილობდა მოენახა რაიმე საგანი ამ დიდი მადის აღსანიშნავად. არავისთვის საკვირველი არ უნდა იყოს, თუ მისი ყურადღება მთამ მიიქცია, ვინაიდან ყველაფერზე დიდი ჩვენს გარშემო მხოლოდ „მთა“ არის.

ამგვართ საუკეთესო სუფრის უფროსს უნდა ჰქონოდა მთა-მადა, ე. ი. მთის ოდენა მადა. მადა, რომელიც ნთქავს ყველაფერს, განსაკუთრებით კი ღვინოს, არაყს და სხვა სასმელებს.

ძველათ მასპინძელი საგანგებოთ იწვევდა ასეთი მადის მექონე პირს ზეიმში, ხოლო თუ საგანგებო პირი არ იყო მოწვეული, მაშინ დამსწრეთა შორის ირჩევდნ მას, ვისაც ყველაზე უფროსი, ანუ მთის-ოდენა მადა ჰქონდა. ჩვენის ღრმა რწმენით ამგვართ წარმოიშვა პირველად სიტყვა **მთამადა**. მაგრამ ვინაიდან ქართულ ენას არ უყვარს სიტყვაში ორი ერთნაირი თანხმოვანი ნიშნის გაჩერება, ამი-

ტომ დროთა ბრუნვაში სიტყვა „თამადას“ პირველი „მანი“ ჩამოეცალა და დარჩა აწ ხმარებული სიტყვა „თამადა“.

მე კვლავაც განმიცხადებია და ახლაც საჯაროთ ვამბობ, რომ ჩემი გამოკვლევა არ მიმაჩნია უტყუარ ჭეშმარიტად როგორც შენგელაიას — სყველაფერი მის მიერ თქმული, და უკეთუ სხვა ვინმე უფრო მიზან შეწონილათ ახსნის ამ საჭირობორტო სიტყვის წარმოშობას, მე დიდის სიამოვნებით მივიღებ მის განმარტებას.

სინონიმი თამადობისა, სიტყვა „ტოლუმბაში“ აშკარა თათრული შთამომავლობისა უნდა იყოს. ვის არ გაუგონია მაგალითად მისი მაგვარი პირდაპირ სამხრეთიდან შემოჭრილი სიტყვები: ყიზილბაში, უსტაბაში, ბოზბაში და სხვა. ამ რთული სიტყვის მეორე ნახევარი „ბაში“ ქართულად როგორც მოგვსენებთ უფროსს, ანუ „თავს“ ნიშნავს. ჩვენ უკვე ვიცით, რომ ბევრს დაებადა, ხოლო უფრო მეტს კვლავ დაებადება, სურვილი ამ უკანასკნელ სიტყვაზე ააშენოს ახალი თეორია, აღნიშნული სიტყვის „ტოლუმბაშის“ წარმოშობისა. მართალია „თავი“ (რასაკვირველია ქალაქის) ხშირად ცნობილი თამადა არის, მაგრამ ეს შეხედულობა კრიტიკის პირველ შეტევისათანავე იმსხვრევა. მოგახსენებთ რატომ. ზერელე მოაზროვნე ავტორები საქმეს ღრმად ვერ უკვირდებიან, მასთან ერთად ისინი რუსულად ფიქრობენ და ქართულად კი მსჯელობენ ქართულ საქმეებზე.

ბატონებო, სრული სიმართლეთა, რომ სიტყვა „ბაში“ ნიშნავს თავს, მაგრამ ნუ დაგავიწყდებათ, რომ „თავი“ ამ მნიშვნელობით ქართული სიტყვა არ არის. ის თარგმანია რუსული „გოლოვა“-სი და მაშასადამე დასახული მიზნის საფუძველად არ გამოდგება. იმ „თავს“, რომელსაც რუსული „გოლოვა“ გამოასახავს, ჩვენ ქართველები „მოურავს“ ვეძახით. აქედან ცხადია, თუ რა ყალბ ნიადაგზე სდგანან ის პატივცემულნი ჩვენი მოწინააღმდეგენი, რომელნიც სიტყვათა ამ აღრევაზე თავისს თეორიებს ამყარებენ. ჩვენი აზრით, ეს საკითხის აბუჩათ აგდებას ნიშნავს და ვფიქრობთ ქართველი დემოკრატია დღეს იმდენათ მომხადებულთა, რომ ამის ნებას არავის მისცემს.

უკეთუ ჩვენი მოსაზრება მართალია და სიტყვა „ტოლუმბაში“ თათრული შთამომავლობისა არის, მაშინ ცხადზე უცხადესია, რომ ეგ სიტყვაც ძველთა ძველი უნდა იყოს; სახელდობრ იმ დროინდელი, ვიდრე წინასწარ მეტყველი მაჰმადი დაიბადებოდა, ანუ უკეთ ვსთქვათ იმ დროინდელი, როდესაც თათრებიც ქართველებისავით პირნათლად სვამდენ ღვინოსა და მაშასადამე თამადასაც საჭიროებდენ.

მიუხედავათ იმისა, რომ სიტყვა ტოლუმბაში სიმღერას (ტოლუმბაშო ჩანჩალო, და სხ.) უფრო უხდება, ვიდრე თამადა, მე მაინც მოვითხოვ ის განწირულ იქნას ხმარებიდან და ქართულ სუფრას განუყოფელად დაეპატრონოს სიტყვა თამადა.

ეჭმეაქი.

ს ტ ა ნ ს ე ბ ი

1

ციმბირიდან მონატყორცი თფილის სუსხავს ყინვა ცივი, საყვარელსაც ვერა ვკოცნი ცხვირზე მაზის ვერცხლის მძივი; თუ გინდ გყავდეს კოლნი ოცნი და საყვარლად ასი ქერივი — ვერ გათბები მაინც, ვერა... თუ არა გაქვს ცხელი კერა.

2

რუსთაველის გზატყვილსა ჩამოუვლი ყოველ დღესა; მალაზიებს გაწყობილსა ვხედავ ორთავე მხარესა; „ტორტ-ტრუბოჩკებს“ დაცხობილსა — „შოკოლადს“ და „მონპასესა“ — ამეშლება საღერდელი... ვერ კი მიმიწვდება ხელი:

3

როგორ თუ არ გადირევი: შენ გშია და სხვა კი ძღება!.. მჭადი ქიშიში განარევი პასკასავით გენატრება. საღეჭავად არ გაქვს კევი, პირში ნერწყვი გაგიშრება... წყეულ იყოს ეს ქანქარი, ყველგან სჭარბობს, აქ არ არი.

4

ფაიტონს და ავტომობილს ვერ შეუვლი ქუჩებშია; შიგა ხედავ ანტონ ძმობილს ფული რომ აქვს ყუთებშია, ფრაკ-ღალსტუკში გამოწყობილს, თათას ხარჯავს წუთებშია. მას ბინად აქვს ორიანტი... გახლავთ იგი სპეკულიანტი.

5

სულ სამოცი პროცენტები მოუმატეს ჯამაგირსა; ეგ მიტომ რომ „სლუჟაშჩები“ ცუდ დღეშია — ჭამა სჭირსა... ცოტა ჭამით ვერ გაძლები დღეში სჭამ პურს სამსა გირსა. სამ გირ პურსა კი უნდება, დღიურ ქირად რაც გერგება.

6

ტრამეაივ, აწ მშვიდობითა, შენში ჯდომა არ შემხვდება! (მხოლოდ კვირა დღეობითა შენში ჩაეჯდვ შეიძლება)

ცუდი დროება.



ლომი. დასწყევლოს ღმერთმა! ისეთი დროება დადგა, რომ ლამის პატიოსანი ლომიც გამამხეცოს.

დიდი შრ-მით და ოფლითა
ადგის შოვნა არ სჭირდება.
ვერ გადვიხუი ექვს მანეთსა,
ვერ ვიყიდი შენს ბილეთსა.

7

დღენი ჩვენი ცხოვრებისა
მთლად გამწარდა, როგორც ქინა
(სჩანს ეგ არის ნება ღვთისა)
არც მაქვს პური, არცა ბინა,
მარა ცქერა ამ ქვეყნისა
მაინც რომ არ მომეწყინა??
მომავალი მასულდგმულებს,
ის მოპირჩენს გულის წყლულებს.

ისელი.

ჩემი დეილი.

კაცო, რატომ აღარაფერსა სწერ, რატომ სდუმს
შენი ქნარიო? ხშირად მესმის ნაცნობ მეგობართა
საყვედურები.

აი ჩემი პასუხიც:

ხშირათ დუმილი ყოველს მჭერმეტყველებაზე
უფრო მჭერმეტყველია. მაგონდება კრილოვის მზა-
რე-ლი და კატა. მზარეული უაზროთ ჰქუხდა, კატა
კი მჭერმეტყველურათ სდუმდა და ანადგურებდა შემ-
წვარ ქათამს. ეხლა როლები რამდენიმეთ შეიცვა-
ლა; კატებს ადგილი ზოგან მზარეულებმა დაიჭირეს
იმ განსხვავებით, რომ ეს უკანასკნელნი სამზარეუ-
ლოში დღემდის არაფის უნახავს. დღეს კი . . . აბა
რა სჯობია შემწვარს ქათამსა და ხაჭაპურებს! უნე-
ბლიეთ მაგონდება ერთი „ტიპი“: ძველს დროში
ეს „ტიპი“ საუცხოვოთ ეგუებოდა ძველს წესწყობი-



ლებას, თბილი ადგილი ექარა და ქვეშ მტკიცე ნიადაგსაც გრძობდა. ჩვენს დროსაც ეს „ტიპი“ საუცხოვოთ შეეგუა და ბებერი არშიყის როლს ისე თამაშობს, როგორც დახელოვნებული არტი-სტი. მას ისევ თბილი, ისევ მტკიცე ნიადაგი!.. დიდ არს, ალლახო, საქმენი შენნი!.. მაგრამ ალლახი აქ აბა რა შუაშია? „რაც გვირს ჩემო დავითაო, ყველა შენი თავითაო“, ამბობს ხალხური ანდაზა, რომელსაც, თუ არ ვცდები, ნეტარ ხსენე-ბული სოლომონ ზურგიელიც სავესებით ეთანხმე-ბოდა.

აბა კარგათ დავუვირდეთ, თუ ეს მართალი არ არის; რათ ვსდუმვარ, მაგალითად, მე? კუთხე-ში მიგდებული ჩვარი ხომ არა ვარ? რატომ ხმას არ ამოვიღებ? რატომ არაფერსა ვსწერ? იქნება ჩემმა სიტყვამ ვისმე რაიმე არგოს? იქნება ვისმეს კიდევ ავნოს?... უწინ, როცა წერას მიკრძალავ დენ, თითოეული სიტყვისთვის, ვინ იცის, რა სასჯელი არ მომელოდა, ვსწერდი, ოხრათ ვსწერ-დი. დღეს კი, როცა არაფერს მდევნის, პირიქით, მეხვეწებიან კიდევ: „სწერო!“ მეც „დავითას ჯო-რივით“ გავჩერებულვარ და ენას არა ვსძრავ. შე ოხერო, დასძარ ეს გასაქვავებელი ენა! სტევი, რაც სათქმელია: საქები აქე, საძაგებელი აძაგე, ერთი სიტყვით, ილაპარაკე სიმართლეს, ამოძრავე ეს მჭრელი და მძლეა-მძლე იარაღი!..

ეს ყველაფერი კარგი, მაგრამ ექნება თუ არა გასავალი მართალ სიტყვას? „მართლის მოქმელს ცხენი შეკაზმული უნდა ჰყავდესო“ ამბობს ანდაზა და ვინაიდან შეკაზმული ცხენის ფასი დღეს 15-დან 20 ათას მანეთად აღწევს, ხოლო მე კი ხში-რად მჭადის ფასიც მენატრება, ადვილათ წარმოი-დგენთ ჩემთვის რა სიძნელეს უნდა შეადგენდეს თუნდაც ერთი მართალი სიტყ ის თქმა.

ამასთან სოლომონ ზურგიელიც შე არა ნაკლებ-ბმა მამულიშვილმა და ჩვენში კარგათ ცნობილმა საზოგადო საეპრო სამრეწველო ასპარეზზეთავ-ჩენილმა მოღვაწემ, ურიცხვი შესანიშნავი, ფორი-ზმების, ნაკვეთების და სხვათა ავტორმა, ლარვენტი ცხვირგრებაშვილმა, ხშირათ იცის ხოლმე თქმა: „თუ კაცს პოლიტიკური აღლო არ ესმის, ის არა თუ კომიტეტის, პარტიის უბრალო წევრათაც არ ვარგაო“-და განა შეიძლება არ დავეთანხმოთ, და ისიც სავესებით, ამ პატივცემულ გვას?!.. ამ პატივ-ცემულ აზრში პატივცემელი გვამისა იოტის ოდე-ნი იჭვის შეტნაც კი შეუძლებელია. მართლაც და თუ რომ კაცს „პოლიტიკური აღლო არ ესმის“ ანუ თუ კაცს სმენის პოლიტიკური აღლო არა აქვს (მით უფრო თუ სალი მხედველობა, ე. ი., პოლიტიკური შორს მჭკრეტელობა ბუნებას მის-თვის არ მიუცია) მაშინ ის წარამარა დაიწყებს მართალი სიტყვის რომეას და სულელის სახელსაც ადვილათ დაიმსახურებს. შეიძლება ეს აღნიშნულ

პირს სიგულწველითაც მოსდიოდეს, მაგრამ მეტი სიგულწველე მეტა სისულელეც არის. ავილოთ მაგალითად, ბავშვები. რისთვის იმსახურებენ ეს ჩვენი ცხოვრების ყვაილნი ხშირად სულელების სახელს დიდებისაგან? იმიტომ მხოლოთ, რომ თავიანთ სიგულწველით ისინი ხშირად ისეთ სიმართლეს წამოიძახებენ, რაიც მოზრდილებს სირ-ცხვილის ოფლს დაახამს ხოლმე. მხოლოთ შემ-დეგში, როცა ბავშვები წამოიზრდებიან, ანუ „ქუაშიც ჩავარდებიან“ ე. ი. როცა ჰკარგავენ სიგულწველეს და ითვისებენ იმას, რაც პატივცე-მულ „ცხვირგრებაშვილის“ სიტყვით, „პოლიტი-კურ აღლოს სმენა“ ანუ სმენის პოლიტიკური აღ-ლო ეწოდება. ხოლო რაც აქ სმენაზეა ნათქვამი, ლაპარაკზედაც იგივე იგულისხმება სავესებით. და აი სწორტ ეს პოლიტიკური აღლო გვავალებს ჩვენ ვილაპარაკოთ ხშირათ არა ის, რაც ჩვენა გვსურს, არამედ ის და ისე როგორც ამას მოი-თხოვს თანამედროვე პოლიტიკური წამი, ანუ რუ-გორც მეცნიერებაში მიღებული, „პოლიტიკური მომენტის“ მაგრა სანამ პოლიტიკური მომენტის შესაფერ რასმე იტყოდე, ხომ კარგთ უნდა გაითვალისწინო ეს მომენტი? მოგვხსენებათ რომ დღეს აწონ დაწონვისა, თუ გნებავთ გაზომვი-საც და შეფასებას საკითხში არ სცდება მხო-ლოთ სპეკულიანტი, უბრალო მოქალაქე კი დი-ხანს უვირდება, დიდხანს უფიქრდება, ერიდება ნაჩქარევს პასუხს და ნაჩქარევს შეცდომას. ეს ოხერი პოლიტიკური მომენტი კი არ იცდეს, ის ჩვენი „ბებერი არწივის“ თქმისა არ იყვეს მეტად სწრაფად იცვლება. ამ სისწრაფეს ჩვენ ვაჩნევთ მხოლოთ პოლიტიკურ მომენტებისა და სასუ-სათო განყოფილებს გამგეთა ცვლილებაში. დიხ, ისე სწრაფათ იცვლება ეს რაღა, პოლიტიკური მომენ-ტია, რომ შენ ჯერ კიდევ ერთით გამოწვეული დუმილისათვის ვერ დაგისწევია თავი, რომ წინ უკვე მეორე პოლიტიკური მომენტი წამოგეჭ-მა. მეორეს მალე შესამეც მოჰყვება... შენ კი სდუმხარ ზევით მოხსენებულ „დავითას ჯორივით“ და შენც სდუმხარ წყალ დაშალ წისქვილივით.

მაშ, ნუ მიშლი ამ ტკბილს დუმილს, ჩემო მკი-თხველო!.. ნება მიბოძე აქ მაინც მოვისვენო.

— „ინებე!“ მესის გაოკებული მკითხველის დამკინავი ხმა: „ინებე სანამ დეკრეტი წისქვილე-ბის მონოპოლიზაციის შესახებ ჯერ არ გამოუციათ“

— რაო?.. დეკრეტიო?! ვაი თუ ასეთი დეკ-რეტი მართლაც გამოიცა. მაშინ კი მშვიდობით, ჩემო ტკბილო ოცნებაე!..

მაშ... მაშ ისევ ისა სჯობია, ამ თავიდგანვე ვიღრიალო „ღელის წისქვილივით“. აქაო და.. „ფქვავსო“, იტყვიან მაინც.

მაშ, ნურას უკაცრავათ, ჩემო პატიოსანო მკითხ-ველო, თუ დღეის იქით მალ მალე გამოგეჭიძო წინ და

ქვორუმი.



„გეგმაკის მათრახის“ რედაქცია კვლავ ენერგიულათ განაგრძობს ძიებას ქვორუმისას, რომელიც აგრეთ უშლის ხელს, ჩვენი დამფუძნებელი კრების მუშაობას. გამოირკვა, რომ აქ, სხდომის დარბაზში, სადაც სხედან პრეზიდენტი და მთავრობის წევრები, ქვორუმი არ არის.

ჩემი უშნო ღრიალით სმენის აპარატი შევიშფოთო*)! რაქნა, შენ თავით მაიძულე ასე მოკვცეულიყავ: რაც გჭირს ჩემო დავითაო, ყველა შენი თავითაო!..“

ონისიმე.

საამდროვო.

გეგმაკო დიდო ჯოჯოხეთისავ, ჩვენაც გვიწვდინე შენი მათრახი, რომ ავლაბრისა ჩარჩ-ვაქრუკანებს დააწყებინო შიშით ცახცახი.

*) მადლობა დმერთს!! გეგმაკი.

თორემ ისინი ასეთ დუბკირ დროს კიდევ უმეტეს რევენ,—სწეწავენ, და მუშა ხალხის ოფლით მონავარს ხელით აცლიან, ურცხვად კენკავენ. ვინ მოსთელის იმას, რასაც სჩადიან, შეგროვილი ყავთ უკვე პარტია, გუშინ რომ ყველას კაცი გვეგონა, დღეს ჰხედავ ისიც სპეკულიანტია!.. შიში არა აქვთ, არავის სცნობენ, მხოლოდ საკუთარ თავსა არგია, ნიხრი სურსათზე და ამგვარები ამა პირთათვის მეტი ბარგია.

ქვორუმი.



აქ კი, საუზმის მისართმევე ოთახში, ქვორუმი ყოფილა. ასე განაცხადა კრების ერთმა წარჩინებულმა წევრთაგანმა. ცხადია, ქვორუმი პრეზიდენტს და მთავრობაზე უფრო დიდი კაცი ყოფილა.

ფასთა ხელოვნურ—ზრდა-აწევაში
 დამერწმუნები ტოლი არა ყავთ,
 ყოველ გვარ ბოროტ-მოქმედბანი,
 როგორც მათ უჯობთ, იმ რიგათ ვაჰყავთ...
 მოქალაქე კი ხედავს ამაებს,—
 მაგრამ შიმშილით რაღა ეთქმება,
 ფასთა დღიურ ზრდას, შეურაცყოფას,
 ძალაუნებურ ის ურიგდება.
 ვიცი, რომ მეტყვი: „რას აკეთებსო
 ადგილობრივი ამ დროს მთავრობა,
 (კითხვისთვის მაღლობთ. დმერთმა გიკითხოს
 და ნუ მოგაკლოს მისი წყალობა!)
 ქე არის ისე ქეიფის გვართ.
 ან კი რაღა ქმნას ამაზე მეტი,
 ნეიტრალიტეტს იცავს ჩარჩებთან,
 ვერ ვნახვთ მათგან ჩვენ განამეტი.

იონჯა.

მთავარი სახელოვნოები

განცხადების დაუაჯი.

მეორე განცხადება:

დებოს და მთავარ სახელოვნოების მუშა-მოსამ-
 სახურეთა კავშირის კულტურა-განათლების კომი-
 სია აცხადებს საყოველთაო საყურადღებოთ, რომ
 მან უკვე მოაწყო ჩინებული საყვირი ორკესტი
 (духовой оркестр) კავშირის წევრებისაგან და უთ-
 მობს დასაქირავებლათ შეღავათიან ფასებში სხვა
 და სხვა ორგანიზაციებს.

ორკესტრის მოსმენა შეიძლება ყოველდღე
 დღის 8—8 საათამდე რკინის გზის საავთომყოფოს-



თან დიდი ხნის გახსნილ სამშობიარო განყოფილების გვერდით.

კულტურა-განათლების კომისია.

მესამე განცხადება.

დიდად გაბედნიერებული თქვენი ამგვარი ყურადღებიანი მოპყრობით და აღფრთოვანებული იშვიათი დაფასებით ჩემი ოცდა ხუთი წლის სამშობლოსადმი ერთგული სამსახურისა, მოგიძღვნით თქვენ სახელოსნოს პროლეტარო ჩემს უღრმეს მადლობას და ფიცს ვდებ თქვენს წინაშე, რომ, სანამ მე ჩემ პოსტზე ვიქნები, ერთგულათ დავიცავ ყოველსავე თქვენს სამართლიან მოთხოვნილებას.

სამექანიკო დარგის ბუჰგალტერი მუმლაძე*).

ცოცხი.

დეჭეშები.

ქარელი. გორის სამაზრო ერობის საექიმო-სასანიტარო გამგის განკარგულებით მოხდა მთელს მაზრაში მკებნართა აღწერა. მხოლოდ ქარელში აღმოჩნდა რვა მილიარდი ჯიშისანი მობოლშევიკი მკებნარი. სხვა სოფლებში მოსალოდნელია მეტი სიმდიდრე აღმოგვაჩნდეს.

ლოზოშა.

საგარეჯო. ადგილობრივმა ადმინისტრაციამ და სახალხო გვარდიის საოლქო შტაბმა რეკვიზიცია მოახდინა ყველა მეარღნეებისა, მეღოლეებისა და გარმონჩიკებისა. რეკვიზიციას აღნიშნული დაწესებულებანი მისი ყოველდღიური საქიროებით ასაბუთებენ.

საგარეჯოს თემის ხმოსნები პირდაპირ ეშმაკი ხალხი გამოდგა. მათ გაიგეს ქართული ანდაზა:

„ახალი ცოცხი კარკათ ჰგვის, ძველი მოატანს ქვიშასაო“ და თემის გამგეობას ყოველ დღე სცვილიან.

განზრახულია: ადგილობრივი აფთიაქი და სოციალისტ ფედერალისტთა ბიურო გადატანილი იქნეს სასადილო „მარტათში“, ხოლო გვარდიის შტაბი და სოციალ-დემოკრატების ბიურო სასადილო „ქურხულში“.

ქინქლა.

კახათი. (საქვერდლო) იმდროს, როცა ცნობილი ლექტორი პავლე ჩახაია უხსნიდა ხალხს თუ რამდენი მილიონი ბაჭი დაადო მთავრობამ კიბოებს, ჭიანჭველებს, ბზიკებს და სხვა მწერ-ქვეწარმავლებს ორატორს გული შეუწუხდა და 47 გრადუსი სიცხე მისცა. ხალხს ძალიან ეშინოდა ტენის ანთებისა,

*) ეს განცხადება პასუხია იმ ადრესის, რომელიც მიართვეს მთავარ სახელოსნოების მუშებმა ბ. მუმლაძეს. იხ. „მეზაქი“. მათრ. № 9.

ც-ხი.

მაგრამ სასწრაფოთ მოყვანილმა ექიმმა საზოგადოება დაამშვიდა. ტენის ანთების მხრივ პავლე ჩახაია თურმე უზრუნველყოფილი ბრძანდება.

ჭინკა.

შორაპანი. აქ გავრცელდა უცნაური სენი. ის უმთავრესათ რკ. გზის მეზობლებს უჩნდება. მან უკვე იმსხვერპლა ზესტაფონში ბ-ნი ცკუტიშვილი, ხოლო ხარაგოულშიდ თათეიშვილი. სენი ერთობ გადამდებია და როგორც ვფიქრობთ ფულის ჭუჭყით ვრცელდება. რათა სენი მგზავრებზედაც არ გავრცელდეს, მეიღიეეების ნაწილმა გადასწყვიტა, ხურდა არ დაუბრუნოს მგზავრებს. მდგომარეობა საშიშოა.

მგზავრი.

ქუთაისი. მექრთამეობისათვის დათხოვნილმა მოლარემ, ს. ჩიქინიძემ. რკ. გზ. კავშირის ახალ გამგეობას თხოვნა მიართვა, სადაც სხვათ შორის სწერს: „თუ სამსახურში არ მიმიღეთ, თავს მოვიკლავო“ მიუხედავად იმისა, რომ გამგეობამ მიღებაზე უარი უთხრა, მას თავი ჯერეც არ მოუკლავს. გათხოვთ გამაგებინოთ რა არის ამის მიზეზი.

იქიდანვე. რკ. გზის ექიმ ნახაროვს სრულებით მოცალობა არა აქვს. ამის გამო გარდა პარასკევისა, მან მოსამსახურეებს ავით გახდომა აუკრძალა. ამ განკარგულებას არ დაემორჩილა ტყიბულის სადგურის უფროსი აფრიდონიძე და ჯინაზე ორშაფათს გახდა ავით. ურჩ მოსამსახურეს თავისი დაემართა... იგი მესამე დღეზე გარდაიცვალა.

ქ. მწვანევაფილელი.

ბანძა. ადგილობრივი მილიციის უკროსმა მეოთხედი ნაწილი სოფელი ბანძისა ჩაყლაპა, მაგრამ მაინც მქლედ დარჩა. ბანძის ცნობილმა მეცნიერებმა ჯ. ხურცლავამ, ი. ფაღავამ, მ. კაკარავამ ალექსანდრე გაბუნიაშვილს და ვ. ხაინდარავამ ეს მოვლენა ფარაონის სიზმარს დაუპირდაპირეს და ერთხმად აღნიშნეს მისი გამაფრთხილებლობითი მნიშვნელობა მოსალოდნელი შიმშილობისათვის. კატასტროფის თავიდან ასაცილებლად გამოცხადდა ბანძის დანარჩენი ნაწილის მონაპოლია.

ცივანი.

ოზურგეთი. დამოუკიდებლობის გამოცხადების შემდეგ ქალთა გიმნაზია საერთაშორისო უფლებებზე ლექციებს უსმენს ყრილობის თავმჯდომარეს მ. ხ-ძეს და მომრიგებელ მოსამართლეს ს. კ-ის. მსმენელთა რიცხვი იმოდენია, რომ შინაცვერ იტევს.

ტიბეტრიდან გადმოფრინდა მკურნალი არატორი პ. ბ-ძე. აქიმობაში და ღრმა მოხუცების სასაფლაოზე სიტყვების წარმოთქმაში გასამრჯელოს არ იღებს. სხვა პირობებშიც კი ხელ მისაწლოპია.

ერობამ დაიკავა 12 თავისუფალი და 24 მდგურებიანი სახლი. კიდევ ესაქიროება ერთი სამსართულიანი სახლი თავისი „მოამბის“ რედაქციის მოსათავსებლათ.

საბჭომ დახურულ კარებში „უსაქმო“ ღორიბს

სიკვდილით დასჯა გადაუწყვიტა, რამაც ამ პატი-
ოსან პირუტყვთა ევაკუაცია გამოიწვია. ისინი ბა-
თუმისაკენ მიისწრაფიან.

კანიკულებზე წასული მასწავლებლები უკვე
დაბრუნდნენ და შეუდგნენ. (დამახინჯებული)...
წყნარი.

სურვილის „თანსმით“

გერმანელ გლეხებს როცა სტანჯავდნენ
(ბატონ-ყმობის და მონობის დროსა),
მაშინ გლეხები ძალზე გაშფაოდნენ,
მათ აჯანყების აღმართეს დროშა.

და შეებრძოდნენ ბატონ მჩაგვრელებს,
რომ მონობიდან ეხსნათ თავი,
მაგრამ შეგნება რადგან არ ჰქონდათ,—
მწარეთ დამარტყდნენ საცოდავები.

სადაც ვინ იყო მუქთახორები,—
წამოესია აქ გლეხებს ყველა...
გმინავდნენ გლეხნი; ხსნას ღმერთს და სთხოვდნენ,
მაგრამ არ სჩანდა არც ღვთისგან შეველა.

ვურცბურგის მთავარები კობოზი
გლეხების დასჯით ხარობდა დიდათ;
თან წველა-კრულვას უძღვნიდა გლეხებს,
ეს კი გლეხ-კაცებს ძლიერ უკვირდათ.

თუ ეპისკოპოსს მიზნათ ის ჰქონდა,—
ხალხი ექცია ქედ-წახრილ მონათ—
მუქთა ხორების საწველ-სახედნათ,
ეს ასე გლეხებს როდი ეგონათ.

მათ დღედე მთავარ ეპისკოპოზი
დიდ წმინდა კაცათ წარმოედგინათ,—
დღეს რომ შეგედნეს მის საძაგლობას,—
არ მოედლოდნენ, ძლიერ ეწყინათ...

და გლეხურისა გულუბრყვილობით
მას შეუთვალეს: „რას ვხედავთ ამას,
უსამართლობის მხარის დაქტრა
როგორ შეგვენის სულიერ მამას!!“

რა-კო ასეა: დავვიწყებია
სამართალი და ღმერთი—გამჩენი:
საწყლებს სჩაგრავ და მდიდრებს ემხრობი,—
თვალთ დანახვა აღარ გვსურს შენი!!!“

ეპისკოპოზმა ამის პასუხათ
სთქვა: „თუ დანახვა აღარ გსურთ ჩემი,
მე შეგისრულებთ მაგ სურვილს მალე,
მაგისთვის დიდ ფიქრს არ მივეცემი!!“

ეს სთქვა მუქარით... და ჯალათებთან
საქმეც გაჩარხა ძალიან ჩქარა:

ამე ლექსის სიუჟეტი აღებულია ბორნეს თხზულები-
დან: „გლეხ-კაცების ომები გერმანიაში, რეფორმაციის
დროს.“ ნათარგმნი ნ. ანტონოვისა. იხილეთ „ქრებული“
მესამე წიგნი გ. წერეთლის და ამხ. გამოცემული 1871 წ.
ლექსის ავტორი.

საწყენ სიტყვების შემომთვლელ გლეხებს:—
ოთხმოც და ხუთ კაცს თვალი დასთხარა.*)

და თან დაცინვით უთხრა: „რადგან თქვენ
ჩემი დანახვა აღარა გსურდათ,—
აწ თქვენ ვეროდეს ვერ დამინახავთ...
რაც თქვენ გინდოდათ ხომ აგისრულდათ?!!“

ფონ ტეფო.

ფეხზე ვაჭრობა.

(გურული სცენა)

არა!... რეიზა არ მომცა ღმერთმა მე რამეის
შნოი?!. მაინც, რა ჩემი საქმე იყო ფეხზე ვაჭრო-
ბა? რაც დევბადე, მას მერე სულ მიწას ვფუფნი,
ყანჩასავით მაქ წაგძვლებული კისერი მიწაში თო-
ხის ბაყუნით, მარა რუმ შემოგიჩდება ეშმაკი და
შეგაცდენს, იგია... ფეხი და კისერი მოსჩიხა (მა
ზეციერმა ჩემს კელასიას, რაფა იმან მე სემიჩ ალა
გადამაცდინა კაცი..

შემომიჩია ჩემი კნენა კელასიე, არ გამართვა
საშველა, ავღვთ და გადავსახლდეთ გორედში.
აქანე, მისდღეში ვავდივართ მარა რა სიკეთე დე-
გვეყარა, რას უყურეფ, ამ გამოყრუებულ მუხურო-
ში, როცა სულ ყველაყანაი გორედში გადასახლ-
დნენ.

ქალო, ნუ შეგვიდები ფხრებში ეშმაკი, რის
გორედში, რა გორედში იქინე შენი ნაგზვითი სახ-
ლები და იმენია მაქ თუ სა მიშობ მეთქინ...

შენ თუ ვარგოდე, აბა რა მიჭირს, შენ თვა-
ლებ დასაფსებო, გეიხედე ქეყანაზე რა ხდება:
ყოლი კაცი გაკეთდა, ვინც ვარგებული იყო, ყვე-
ლაი გამდიდრდა და ჩვენ რაღა სხვაზე ნაკლები
ვართო? ყარ უმეს ბიჭმა კარკოიამ სახლები იყიდა
თფილისში, იქინა წააბაძანა მისი დაფრუშქნული
კნენა აღვასიე. ამირანეს ბიჭმა ელიშულამ დუ-
ქანი გაალო ქალაქში და პირველი გილდის კუბე-
წი გამხდარა... ოლიმეს ყაფლანე ოტკას ზიდავს
საცხა და იმდენი რაზე მოალაგა შინ რომ თვითან
არ იცის იმის ცოლმა ჯაჯიკამ—რა აქ და რა აც-
ვია..

შენ თვალე დასაფსებო, რუმ ვაგეძრა ტანზე
ტყავო თლავ ყველს, რუმ ვაგშიშვლდით, აგრე
სასიხედეც მიდგა ყუაზე, მალე გამეიხინკება, რას
შობი, რას აპირობ? ასე ძალღსავით ცხოვრება
აღარ შემიძლია მე მეტი არა...

რუმ უუწყო იღანქალა და იღრინა, იღრინა და
ბოლოს უწყო ზღუქუნნი და ტირილი,—ქე შემე-
ცოდვა მეც, მართლა მე რომ წამომყვა ერთი კაი
ცხოვრება არ უნახავს. * შემეცოდვა და უთხარი:

ნუ გეშინია ქალო, კელასია, სხვაი თუ ვეფერი
მუხებზე, ფეხზე ვაჭრობას მაინც კი დევიწყეფ,
(ფეხი რეიზა არ მომტყდა მე მაშინ.) სახამდი სული

წინა დ.



ფული ბაზარში პატარა პორტმონეტი მიჰქონდათ, ხოლო ნაყიდ სანოვავეს დიდ კალათაშიაც ძლივ ატავდენ.

ეს ღა.




ფული ბაზარში დიდი კალათით მიაქვთ, ხოლო ამ ფულით ნაყიდ სანოვავეს პატარა პორტმონეშიაც თავისუფლად ათავსებენ.

ჩვენი საზღვრები.



დარაჯი. დღიდან ღამიანა აქა ვდგევარ, საზღვარზე, ძილი არა მაქვს და მოსვენება, ასი თვალი მამია და აბა რა ჯანდაბა უნდა გამეზაროს ბათომისკენ.



დარაჯები. არავინ იფიქროს, თითქო ჩვენ კანონის წინააღმდეგ ვიქცევოდეთ: მართალია ჩრდილოეთიდან ჩვენს ქვეყანაში ხალხის შემოშვება აკრძალულია, მაგრამ თუ კი შიშველსა და გაყვლეფილს გავეტარებთ ბილისამდე ხომ მაინც ვერ მიაღწევს! გზაში ამოძვრება სული!



მიღვანა ამ გამხმარ ყახახს, ვიბოდილოვებ, დასვენება მაინც არ მიწერია.

მივბრუნა გული, ამეიხოცა თვალები და მითხრა:

ბეჩა მია, კაი იფიქრე, რაცხა პაწია წვრილ ფეხი გვეყავს შინ დავკლათ, პაწე ოტკა, პაწე ყველი, გოჭები და რაცხა რაცხეებს მუუყაროთ თავი, წელე, თფილისში კაი ფასი ქონებია ყოლიფერს, გაყიდე, ჩამოდი, კიდევ წვილე აქედან რამე, ფული ფულს შეიგებს და სულს მევიტკვამო.

დევითანახმე, გუზურიე მუსრი ქათმებს, ინდოურებს, გოჭებს; ხუთი საღვამური დედალი მყავდა, დავკალი, ორი დედალ-მამალი ინდოური, სამი კვატე, ორი ბატი, სამი გოჭი; შეიქნა ჩემსას კრიახი, ქვივილი კალანდა წინალამეს რომ იც ან ისე დავსწმინდეთ, დავალამაზეთ, ჩავასხი პ.წა კუბრიელაში 15 ბოთლი ქაქის ოტკა, ორმოც ყველს მუუყარე თავი, დავაცხოზიე საგძალი ქადები კელასიას და მვეემხადე წასასვლოვად.

კიჰარა, გზის ფული რუმ არ მაქ, რეთ წევიდე ქლო?

ბეჩა, ერთი დედალი ქათამი საჯოვანოში ჩამიყვანს, ერთი დედალიც საჯავახოდან თფილისში.

რას ამბოფ ქლო რავა, მკტარ დედალზე გადავფლები და წამიყვანს თუ, რაფერ მელაპარაკები?

შენ უბედურო დედალი ფული არ არის? შენ არ იძახოდი ცოციალისტი ვარ და პაგრაპაც ვიცი მაროქსის? „საქონელი ფული არის“ დედალი ახლა ოცი თუმანი ღირს აქანე და ოც თუმნათ საჯავახოში ჩავიყვანს მფაიტონე.

შვეკაზე ცხენი კურტით, დავკვირთე, წულამესტი ხვირჯინში ჩავდვი, მე ფეხზე ქალაბანი ჩამევიცივი, გამევემწვიდობე კელასიას და გამუუყვიე საჯოვანოისკენ... კელასიამ მომძახხა:

საკაზე რუმ არ ჩამომტანო, ისე არ ჩამოხვიდე. პაწა პუდრიც წამოქიდე, თუ არ დავაფიწყდეს..

კარქი, კარქი. მივანქარებ ცხენს და მივალ, ჩვედი საჯოვანოში. ყველაი ნაცნობი ვნახე. დვედლარჯე ყველას: შენი ქირიმე, მიშველეთ, შემატანიეთ აგი ხაბაკები პოვეზდში, თვარამ თუ ნასილჩიებს ვაზიდვიე, ვამაძრობენ ტყავს მეთქინ... ამოვამძვრე ხვირჯინიდან ორი დედალი, გვეხმევესე ოსოფეშვილი, უთხარი: გზის ფული არ მაქ და ა ორი დედალი რუმც არ გვიროდეს, იყიდე მეთქინ. ააშენა ღმერთმა, არ შევკარებია, ისე მომცა ასი მანათი ორ დედალში. ასი მანათიარ გვეყოფა გზის ფულათო, მითხრა, ერთი დედალი ინდოურიც მივეცი და შემისრულა ოც თუმნათ ვვილე ბილეთი, მევიხმარიე ყალი კაცი, შევალაგეთ ხაბაკი პოვეზდში, მივაწყ-მოვაწყვეთ: დასაჯლომ ქვეშ, თაროზე იქით, აქით კუბრიელე ფეხებს ქვეშ შამეგადევი და მოქუასავით დავაქურუფდი ზეთ, მითხრეს: „თუ გინახენ, დიგიჭირავენო.“ დასაჯლომი ვერ ვიშონე,

ავიდგარიყავი, კუბრიელე გამოჩნდებოდა, დავწყე ყლი ისთველე კუბრიელს, დედალი რომ დააჯდებამ გამოსატებ კვერცხებს.. ააშენა ღმერთმა იგენი, რაცხა პოვეზდის განჩანა ყოფილა, სამტრედიაში არ ვიყავით მისული, რომ გამიჩხრიკეს ოტკა, წა მიყვანეს საცხა ოთახში და მითხრეს: „უნდა წარვადგინოთ“

თქვენ იცი, რასაც კარგ საქმეზე წარმადგენთ. მარა რა ვქენი ახლა იმისანე რომ უნდა წარმადგინოთ?

რას ღლაბუცობ შენ ყაძახო, ხუმრობ, თუ რას ამბოფ?!

წამოდი მალე და ნახავ შენს სეირს. პაწე ქე შემეშინდა. შევეხვერწე; ნუ დამღუბავ ამ 15 ბოთლი ოტკიზა მაგი თქვენი ფეშკეში იყოს მეთქინ. ფეშქეში კი არა, ამ ოტკას ჩვენ წარვადგენთ, შენ წადი შენ გზაზე და როცა დროი იქნება, მოგიკითხამთო..

შევედი პოვეზდში, დავხედე ხაბაკს—ჩემი ორი გოჭიც ქე წიერდგინა ვინცხას საცხა.

აი, რაცხა ფეხზე ვაქრობა რა უბედურობა ყოფილა; საჯოვანომდე ფეხით ჩამუედი, პოვეზდში შევედი და იქინეც ფეხზედ ჩამოვწიტი. ჩავაწიე თფილისში, მივედი რაცხა დებურტვირების ბაზარი ყოფილა. მივედი, რა ვნახე!!!.. ვინ არ ვნახე, რა არ ვნახე იქინე: თელი გურია სამ გროლოს და იმერეთის დელეყანტი ბიჭები აქ იყო.

აი, მღვევივით ბიჭები უწინ გლახათ რუმ ვერ მიელაპარაკებოდი, დაქურუფებოდენ თავზე ზოგი დაკლოლ ბატს, ზოგი ინდოურებს, ზოგი ქათმებს, ზოგი ფქვილს, ხილს, ვაჭერდი მეც ერთ ადგილზე, ამვიდე ჩემი ქათმები, მარა რა დამჩა: ორი ქათამი, ბატი და კვატები, ყველი ისე დაქნებლიყო, რომ ერთმანეთში გადადუღებული გეგონებოდა, კაცმა არ მოკიდა ხელი. დვეიწყევი წინ ტომარაზე ქათმები, კვატები, ბატები დაფშენილი ყველები, კაი ორი დღეი ვადექი თავზე ქირისუფალსავით ამ უბედურობა სიცივეში, მინდოდა ძვირად გემეყიდა ემენახლაურებია ზარალი, მარა რომ ჩამოვწიტი ძან ფეხზე და სიცივემც მომიჭრა, მივაყიდე ზედ, და შევედი სამიკიტნოში, ვიფიქრე, ერთს მაინც გამოვძღე მეთქი. გამოძლომით ქე გამოვძენი, მარა დამიყდა ოთუსბირად. დამჩა ერთი ორასი მანათი, გვეია-გამეყარე, ახლა ჩვენი ბიჭები ვნახე, გუუკვირდენ ჩემი ნახვა, დამიწყეს ქირდვა-სიცილი, ბიჭო ბეჭუკა, რა შენი ტყუის საქმეა ფეხზე ვაქრობაო.

დამანებეთ თავი, ქე ვხედა: ჩემს სიკეთეს, თქვენ ნულარ მტკლევთ გულზე თვარა ვინცხას რაცხა საშინელს ვიხამ.

რალას ვიხამდი, იმ დღეს იგი ორასი მანათი ჩაის დალევავი და ღამის გათევაში მივაფშვენი.., დავრჩი უკაპეიკოთ... ჩვეიცვი ქალაბნები, გავდიკიდე



მკლავზე ჩემი მესტები, ვვიარ-ჩამევიარე ერთი დე-
ზერტვირების ბაზარში და ხელათ მივაყიდე სამას მა-
ნათად.. ახლა რავექნა, სათ წვეიდე არ ვიცო, წა-
ვალ შინ, მარა რაფერ წვეიდე სირცხვილით? ან კი
მიმიშობს სახლში ჩემი როკაპი კელასიგე? სახში ვერ
მივალ და იგია.. არა!... რეიზა არ მომცა ღმერ-
თმა მე რამეის შნოი? ფეხი რეიზა არ მომტყდა მე
რომ ფეხზე ვაჭრობა დევიწყე?

ლუკაიეს ობოლი.

ს ა მ ტ რ ე დ ი ა .

I

ამბობენ: დღეს ჩვენში აი რა ხდებაო,
ქალაქი თანდათან უკანა დგებაო.
მცხოვრებნი ტალახში იღრჩევა, კვდებაო,
შემწყალე ხელი კი არსიდან ჩნდებაო.
შრომა და სიცოცხლე დღითი-დღე ჰჭრებაო,
ბოღმა და ნაღველი გულში არ ცხრებაო.
ქალაქი მწუხარებს და ცრემლათ ღნებაო—
რა წყალში ჩავვარდეთ—რა გვეშველებო.

II

ამბობენ: გვეღირსა მუშათა კლუბიო,
მაგრამ შიგ ვერ მოვსპვთ დეა და ჩხუბიო.
კვლავ მიდის ძველი გზით ძველებურ წესითო
და ძველებურათვე ვართ ტანჯვა კვენითო.
მართლაც, ჯერ პიესა მის შესაფერიო
და სცენის-მოყვარეც გულანაძგერიო,
ჩვენ იქ არ გვინახავს... მუშებიც ცდებაო
და ხელში ნაყოფა აღარა გვრჩებაო.
დღეს გაპგეს კლუბისას ვოხოვთ გაღვიძებასო.
იწამოს ღმერთი ნუ შეგყვრის სნებასო.
ნუ დავისახიჩრებს გემოს და გრძნობასო
და საპაგიეროთ ვუცხოვნებთ მშობლებსო.

ჭავჭავი ბზიკი.

ბინის პატრონის ქალი.

(შარეი ერთ მოქმედებათ).

ძღვნათ მიტოს.

მოქმედნი პირნი:

ვახტანგ გაბრიელიძე } სტუდენტები
სანდრო }
ოლიმპიადა ივანოვნა, ბინის პატრონის ქალი.
დაშა, მოსამსახურე.

მოქმედება საწრმოებს რუსეთის ერთ-ერთ საუ-
ნივერსიტეტო ქალაქში

ვახტანგის ოთახი.

ოლიმპიადა ივანოვნა. კავკასიელია?
დაშა (დამიღით) დიახ, ქალიშვილო.

ოლიმპიადა ივ. ქართველია, თუ სომეხი?
დაშა. ქართველია, ქალიშვილო.
ოლიმპიადა ივ. ძალიან შავია?
დაშა. არც ისე...
ოლიმპიადა ივ. თვალები ხომ ძალიან შავი
აქვს?
დაშა. ძალიან, ძალიან ქალიშვილო!
ოლიმპიადა ივ. დაშა, შენ არ მოგწონს შე-
თვალებიანი ყმაწვილი კაცი?
დაშა. (ტაქითღდება, თავს დასწრის და... იღიმება)
ოლიმპიადა ივ. მიპასუხე! რისა გცხვენია? ხომ
მოგწონს, ა?..
დაშა. კი... (სიცილი წასვდება)
ოლიმპიადა ივ. მეც, დაშა! (შაცხაა ზაჟუსა)
დაშა. ჩვენი სტუდენტი, ქალიშვილო, ძალიან
თავაზიანი ყმაწვილია... გუშინ სალამოს... (იღინის).
ოლიმპიადა ივ. ჰო, რა მოხდა გუშინ სალამოს?
დაშა. არაფერი... ჩაი შემოვიფტანე... და ისევე
გავედი მეტი არაფერი...
ოლიმპიადა ივ. მატყუილებ!..
დაშა. (იღიმება)
ოლიმპიადა ივ. აღბათ გაგეარშიყა. ხომ ძაო-
თაღს ვამბობ? მითხარი, ხომ მართაღს ვამბობ?..
ხომ გაგეარშიყა?..
დაშა. (ერთბაშათ) მიბჭიკნა (იღინის).
ოლიმპიადა ივ. მეტი არაფერი! არ უკოცნია?
არა, უსათუოთ გაკოცებდა! ხომ გაკოცა? მითხარი
ხომ გაკოცა?.. (მუდართ) ჩემო დაშა, მითხარი მარ-
თალი მითხარი... ხომ გაკოცა?.. შუღზე თუ ლო-
ყაზე, ა?
დაშა. (იღიმება) ლოყაზე, ქალიშვილო!
ოლიმპიადა ივ. აი შენ, ეშმაკო, შენა!
ლოყას უსინჯავს) უკბნია კიდევ! ხომ მართაღს
ვამბობ? აი აქა! ხომ გიკბინა? ძალიან მაგრათ?
დაშა. არა, ძალიან მაგრათ არა.
(ფეხის ხმა მოატანს).
დაშა. სტუდენტი მოღის ქალიშვილო!
ოლიმპიადა ივ. ასე მოულოდნელათ! როგორ
გავიდე! ღმერთო ჩემო! (შემადის ვასტანგ)
ბ.
ვახტ. (კარებიდან) ვისთანა მაქვს ბედნიერება?..
ოლიმპიადა ივ. მე ბინის პატრონის ქალი გა-
ხალავარ! თქვენი მოქმედებით მეტის მეტათ
აღღვებული ვარ!.. მე სახლში არ გყ-ფიღვარ.. აი
ეხლა ჩამოვედი სოფლიდან... მე ყველაფერი ვიცი!
დაშამ დაწვრილებით მიამბო ყველაფერი...
დაშა. მე, ქალიშვილო...
ოლიმპიადა ივ. გარეთ!
დაშა. ქალ..ი
ოლიმპიადა ივ. გარეთ მეტქი! (სუღს მოჭკიდებს
და გაგდებას).
(დასასრული იქნება).

„დიას, ჩვენ გავსჭერთ ფანჯარა ევროპისაგანს...“
(ლენინის სიტყვიდან)



ლენინი. (პეტრე დიდს) აქ უყურე, ძია, როგორი სარკმელი გავსჭერი ევროპისაკენ? ერთი ბოლშე-
ვიკური წიხლი და... სარკმელიც მზად არის! მაშ არ დაიკვებო, თითქოს შენ გაგეტრას ეგ სარკმელი!

ფოტო.

სარდალს. (სად. გომში) მოწყალეო ხელომწი-
ფვე! რამდენ ქალიშვილს კომისარი გამოედევნება
და რკინის გზაზე დაამტვრევს, თუ ყველა ამის შე-
სახებ ჩვენ ვწერეთ კარგათ კი წავა ჟურნალის საქმე.

პარ. ჯიქთუბნელს. თქვენი საუცხოვეო გამო-
ცანიდან ვბეჭდავთ მხოლოდ ორ ტაეპს.

„რადგან ბიურო შენ აივდე,
და პირს აფჩენ, როგორც ლლაფი...“

გეცხადება საბოლოოთ,
ჯარიმები ქართულ კლუბში.
შენს ბიუჯეტს ვერ შეარყევს
ვერც სადილი, ვერც ვახშამი..
თუ ამაზედაც ვარს იტყვი.
გაგერიოს ძმაო ჟამი.

რასაკვირველია დანარჩენებსაც დაებეჭდავდით,
რომ ვიცოდეთ ვის, ან რას ეხება იგი.

ზაგრანიცელს. წავიკითხეთ თქვენი წერილი „ფი-
ცი მწამს, ბოლო მაკვირვებს.“

წარმოიდგინეთ, ჩვენ ფიცი არა გვწამს, მაგრამ
თქვენი წერილი ძლიერ გვაკვირვებს.